

3. gr.

Sjóð þennan má aldrei skerða og skal jafnan leggja við hann $\frac{1}{4}$ hluta ársvaxtanna. Veita má viðtöku fé frá ættmennum og afkomendum téðra hjóna og leggst það við höfuðstólinn, en vöxtum varið á þann hátt, sem fyrr segir. Skulu allar gjafir færðar í sérstaka bók, er sjóðurinn á. Geta skal nafns gefandans og í hvers minningu gefið sé.

4. gr.

Sjóðinn skal ávaxta á tryggum stað, og hefur sóknarnefndin umsjón með honum og reikningshald. Hún ákveður einnig hvenær hann tekur til starfa, að framangreindu markmiði. Jafnan skal bóndinn að Tjörn hafður með í ráðum um allt, er sjóðinn varðar.

5. gr.

Leita skal staðfestingar á skipulagsskrá þessari.

Akureyri, 1. júní 1948.

Snorri Sigfússon. Halldór Sigfússon.

Staðfesting forsetans á skipulagsskrá fyrir „Raflýsingarsjóð Kolbeinsstaðakirkju“, útgefin á venjulegan hátt að mandatum af dómsmálaráðherra 10. des. 1948. 10. des. 175

Skipulagsskráin er þannig:

SKIPULAGSSKRÁ

fyrir Raflýsingarsjóð Kolbeinsstaðakirkju í Snæfellsprófastsdæmi.

1. gr.

Nafn sjóðsins er Raflýsingarsjóður Kolbeinsstaðakirkju, og er sjóðurinn stofnaður með eitt þúsund króna gjöf hjónanna Guðnýjar Guðnadóttur og Kristjáns Eggertssonar, í tilefni af fimmtíu ára hjúskaparafmæli þeirra, 15. september 1946.

2. gr.

Sjóðinn skal ávaxta í Landsbanka Íslands eða á annan tryggan hátt.

3. gr.

Hlutverk sjóðsins er:

- a. Svo fljótt sem fjárhagur sjóðsins leyfir skal raflýsa Kolbeinsstaðakirkju á fullkominn hátt, með straumi frá orkuveri eða með mótoraflí. Til greiðslu þess kostnaðar, sem leiðir af raflýsingu kirkjunnar, má, svo sem þörf krefur, eyða af höfuðstól sjóðsins allt niður að 500 — fimm hundruð — krónum, en þá fjárhæð má aldrei skerða.

Þegar lokið er við að raflýsa kirkjuna, er það aðalhlutverk sjóðsins að viðhalda ljósatækjum hennar og öðru því, er hana og umhverfi hennar má prýða.

- b. Árlega skal, ef fjárhagur leyfir, veita verðlaun úr sjóðnum, fyrstu og önnur verðlaun, til þeirra fullnaðarprófsbarna Kolbeinsstaðaskólahéraðs, sem á því ári hafa hlotið hæstu aðaleinkunn í eftirtöldum námsgreinum: Kristnum fræðum, íslenzku, sögu, iðni, hegðun og stundvisi. Stjórn sjóðsins ákveður upphæð verðlauna í hvert skipti, og veitir þau.

175

10. des.

Nú telur stjórn sjóðsins nauðsyn til bera að verja fé úr sjóðnum til annarra safnaðarþarfa en þeirra, sem um getur í 3. gr., og skal hún þá leita samþykkis biskups þar um.

4. gr.

5. gr.

Tveir skulu endurskoðendur sjóðsins, kosnir á almennum safnaðarfundum til þriggja ára í senn.

6. gr.

Stjórn sjóðsins skal ávallt þannig skipuð, að prestur sá er þjónar Kolbeinsstaðakirkju sé formaður, en meðstjórnendur séu sóknarnefnd Kolbeinsstaðakirkju og hreppstjóri Kolbeinsstaðahrepps, en eigi hreppstjóri sæti í sóknarnefnd, skal kjósa einn mann í stjórnina á almennum safnaðarfundum, til þriggja ára í senn. Formaður varðveitir og ávaxtar fé sjóðsins í samráði við biskup og undir yfirumsjón hans, sér um ritstörf og aðrar framkvæmdir, sem stjórnina varða.

7. gr.

Stjórn sjóðsins heldur þessar bækur:

- a. Kassabók. Í hana skal færa allt, sem greitt er úr sjóðnum, hverjum og fyrir hvað, og allt innkomið, frá hverjum, og ef um minningargjafir er að ræða, þá hverjar.
- b. Aðalbók. Í hana skal færa fundargerðir, allar ákvarðanir, sem sjóðinn varða, svo og ársreikninga hans, en þeir skulu, ásamt með fylgiskjölum, endurskoðaðir og samþykktir, sendir til biskups eigi síðar en 15. marz ár hvert.

8. gr.

Þegar skipulagsskráin hefur öðlzt gildi, skal færa hana inn í aðalbók sjóðsins.

Reykjavík, 7. desember 1948.

Guðný Guðnadóttir. Kristján Eggertsson.

176

10. des.

JARÐRÆKTARSAMÞYKKT

fyrir Búnaðarfélag Glæsibæjarhrepps, Búnaðarfélag Skriðuhrepps og Búnaðarfélag Öxnadalshrepps í Eyjafirði.

1. gr.

Búnaðarfélög Glæsibæjarhrepps, Skriðuhrepps og Öxnadalshrepps gera með sér svofellda jarðræktarsamþykkt á grundvelli laga nr. 7 12. jan. 1945.

2. gr.

Tilgangur með ræktunarsamþykktunum er:

1. Að ræsa fram land til túnræktar, garðræktar, engjaræktar og beitiræktar.
2. Að vinna að jarðvinnslu á tünnum jarða á samþykktarsvæðinu, sem ekki eru véltæk.
3. Að taka að sér jarðvinnslu til nýræktar túna og garða.
4. Að framkvæma sléttun engja, svo þær verði véltækar.